

---

Dana 26.04.2011.godine u prostorijama ASA-Holding u Sarajevu održana je konstituirajuća sjednica Grupacije poslodavaca za informacione tehnologije pri Udruženju poslodavaca FBiH.

Grupacija poslodavaca za informacione tehnologije osnovana je unutar Udruženja poslodavaca u FBiH sa ciljem da štiti i promovira prava i interese svojih članova, posebno u području uređivanja uslova poslovanja, odnosa s tijelima državne vlasti, sindikatima, kolektivnog pregovaranja i sklapanja kolektivnih ugovora, te drugih važnih pitanja za ekonomski i socijalni razvoj poslodavaca. **Također, Grupacija želi da bude aktivni sudionik u definiranju IT platforme na državnom nivou, i kroz tu aktivnost želi stvoriti povoljnu klimu i opšti društveni prosperitet i napredak.**

Vizija Grupacije je stvoriti najsnažniju informatičku industriju u regiji putem interesnog povezivanja i jačanja bh kompanija IT sektora, te je time učiniti i globalno konkurentnom.

Sjednici su prisustvovali 30 predstavnika/direktora vodećih kompanija IT-sektora iz Federacije BiH koji su izrazili svoju spremnost u budućem radu Grupacije.

Na Konstituirajućoj sjednici usvojen je Pravilnik o organizaciji i radu Grupacije te izabrano rukovodstvo. Za predsjednika Skupštine Grupacije izabran je Amir Mulalić, direktor Centra za kompijutersku edukaciju. Za članove Upravnog odbora izabrani su Franjo Kristić ( Elur –Kiseljak), Senid Gerin ( Ocean), Narcis Ahmedagić ( Biring BH), Josip Vukadin ( Infosoft), Goran Šabović ( BBS), Almir Žerić (Disti) I Haris Čečo ( Com Trade). Za koordinatorka/sekretara Grupacije je imenovan Muhamed Alispahić.

Shodno Pravilniku koji je usvojen na sjednici članovi UO su za Predjednika Grupacije imenovali Josipa Vukadina a za potpredsjednika Harisa Čeču.